

LA TORRE DI BABELLE

Posia popolare in dialetto Romagnolo

Oggidì sa sti partid
L'è ogni cosa disunid
Chi la vo alless chi la vo arrostit
Ognun a vrisme fe a mod nost.
Se invec d' cent i ni fussa un,
Can tribulasma più nissun,
Che provedes pen e lavor
Ech cessed i malumor.
Ma tutt i cerca a fe bel bleu
E tirè l'acqua e su mulen.
Per esemie, i clericel,
Le un partid ca ne tent bel
Sa sti lum d' luna sti chiaror
A ne più temp adated per lor,
Eppur, ine qualdun chi spera
D' arpiantè la su bandiera.
Osservè com i fadiga!?
Ognun dl' or ià qualca briga,
Chi è ch' gira sna colletta,
Chi va slera sna sacchetta,
Chi sun baril per mett e ven,
Chi questuand per fe quattren,
Insomma tutt la su santocia
L'è la penza e la saccocia;
E pu! guardè mi caporiun
Se di sich i ne nissun,
A vidri chià una panzetta
Do ganasc, una goletta
Se ai guardè sotta e coller
Com i baghin di muliner.
Sol che quest e basta a di
Chiè ste a spas e i na pati.
E i patriott del temp antigh
Gim un po, do fai l' amigh
Si liberel di temp d' ades
Cos iimportle de progres?
Cos iimportle se i compagn
Chieva una volta i ved a piagn
A tribulè a fe di lament
Lor iè sempre indifferent.
Quii ca avù di bon impiegh
I se ingrassè ià fat de segh
I sta dassed a penza trata
I dis, l' Italia a la em fata,
Nun a sem già soddisfatt,
E se qualdun i svo andè bat

An vlem savè più tent intrigh
La nost penza la è pi figh.
Quii ca fat qualca campagna
Siavù un post oggi chi magna,
Quasi quasi stemma zit
Se non tutt ià un po' d' drit:
Ma impieghè di temererie
O guernatur o commisserie
Ca servi e guerne cessed
Ani vo che d' insensed.
Insomma, e per propie un disten
Tutt i partid i cmenza ben
I promett i mer e i mont
E quand a sem in fin di cont
Mi più minciun chis ciapa drenta
li ii da al iosi dla pulenta.
Eppur! e per che me a ne creda
Ma infat le una pianeda,
Quel che ned sotta cla luna
Destined d' avè fortuna
Sle te mer per na burasca
E ven in tera suna fiasca;
Ma clomac cle sfortoned
Se fus tun legn più grand de sted
Te vapor più bel de mond
Sle bonaza e cala a fond.
Ma tornemma in argoment
Per e passed iè ste dla gent
Che quand ie riv a cmandè lor
Le ste un guai le ste un dolor.
Com sarala stelta raza
D' chi partid ca da andè in piazza;
Nissun po di siè bon o trist
A cmandè chi è chi à vist?...
A sperem chi sia mei
A sent a di chiè cinq o sei
Ma quant sarà te stregn de ciod
Bsò chi facia tutt dun mod,
Chi convenga d' na rason,
Sin vo di serve e di padron
Chi pun vers e chi pu nent
Da fe tutt e lavorent;
Che si cerca d' andè a spas,
A magnè e bev a do ganas,
A scarozè a fe di quattren,
A compre tera a met insen,

Com fa in oggi st'iegoista
 Sti ruspun sta genta trista
 Bondè cvolla bondè ai
 Sarà sempre pegg che mai.
 Dop chi fess un enta soneda
 Per la genta tribuleda
 Saria sempre un brutt lavor
 Qnand in cambia i sonader.
 Ma nemen a dubitè!...
 A ni santem sempre a parlè
 A gridè fort sla cativeria
 Chià sti rech a sla miseria?
 Le pu genta ca giudizie,
 Ià pu vest al iingiustizie
 Chi fa in oggi ma la puvraia,
 Chiè dla genta chi travaia
 Quattorg or tutt alla fila
 Per un french, e i fa alla stila
 Sla magnuga e sla bevanda
 Per fe rich ma chi cui cmanda!
 Ma le inutil ca discorra!...
 A vli chin cnossa la cammorra
 Di sgnurac di bagaren
 Chi fa infraidè ti magazen
 Per no vend a un prez onest
 Al garneli che iè arest?
 Donca dre ma stli facend
 Ogni scioc e la intend
 Che sin lavora per e vers
 Tutt e temp e sarà pers.
 I partid bon in conclusion
 Si vo adempì la su mission,
 I pensarà da 'de e lavor
 Ma chi povre genitor
 Chià la moi e la famea
 Mort it fema chi sbadea.
 Ben intes che sli fadigh
 Un dè chi possa ampì e butrigh
 Che se al budel i sent a rugg
 I romp iatrez e pu i da fugg.
 I guarnarà me viciarel
 Che se arduitt a sli stampel,
 A fe tre pasa sun madon
 Per mantnè chi lupamun
 Che si generi ic astroza
 E a spal nost i va in carozza.
 Iavrà cura d'chi burdell
 Che pedre e medre i na più invell
 D'imparei da leg e scriv
 E un mistier da potè viv.

Sin vo veda per e mond
 Di birichin di vagabond,
 Che quand iè grand con vai a fni?!
 Dei un oceda ca vidri
 Che tutt i mastie i va in prison
 E al femmne giù te butrighou.
 Un governe popoler
 E guardarà da dè e ripèr
 Se vo cnos i nost diritt
 Ma stli robie ca io dett.
 A na già bsoen e popolac
 Sun baston da cambiè un strac,
 Tent pu mengh da senti d'iurle
 Cias, eviva ossia dli burle;
 Per calmè un po la miseria
 I vo es dla genta seria,
 D'omne d'cor sun po d'ingegu
 Senza titol sen segn
 D'nobiltà d'ristocrazia
 O d'elta roba più stantia.
 Altriment i tribuled,
 Se cmandarà sti ciondoled,
 Si sospira e sa lamenta
 Chi na nienca la polenta,
 Se cla volta quist i cmanda
 I na avrà nienca la gianda.
 Me a so un povre ignorantel
 E mi mistier le e scarpinel,
 Quand quest an da da viv
 A ciap una penna a tach a scriv
 Qualche cosa in poesia
 Per mantnè la mi famia,
 Altriment in oggi giornè
 Le fadiga andè me forne
 A comprè qualca pagnota
 D'remolena e poca cota.
 A iò la moi e tri burdell
 Chi rosga più di varmisell
 In fa ne e bozle e ne la seda.
 Chi ne cred chi venga a veda
 Tutt al rimi ca io dett
 A iè compresi a te mi scritt
 Le rob da rid, ma verità
 Ste pu cert ca ne busia
 Dem un sold e ciapè i qua
 Una bela poesia.

G. VILLA

(Proprietà letteraria)